

Ո Ր Ո Շ ՈՒ Մ թիվ - 402
վարչական տույժ նշանակելու մասին

«16» դեկտեմբերի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Ամիր Սահաբիխիավիի վերաբերյալ նյութերը՝

Պ Ա Ր Զ Ե Ց Ի՝

2021 թվականի հոկտեմբերի 28-ին ՀՀ ՊԵԿ աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժանանած, ԻԻՀ քաղաքացի Ամիր Սահաբիխիավիի կողմից շահագործվող «Scania» մակնիշի, 22E366-10 հաշվառման համարանիշի ավտոբուսը, ինչի արդյունքում, նշված ավտոբուսի ուղևորների նստելու և իջնելու համար նախատեսված հետևի դռան աստիճանավանդակի տակ պատրաստված թաքստոցից հայտնաբերվել է մաքսային հսկողությունից թաքցված ընդհանուր 80 բլոկ Wisdon ապրանքանիշի ծխախոտ:

Փաստի առթիվ վարորդ Ամիր Սահաբիխիավիի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերոնշյալ ապրանքները, որպես իրավախախտման անմիջական օբյեկտ, վերցվել և ի պահ է հանձնվել Մեղրիի մաքսային կետ-բաժնի պահեստում:

Պարզելու համար, թե որքան է կազմել նշված ծխախոտների մաքսային արժեքները՝ 18.11.2021թ. գրությամբ հարցում է կատարվել ՊԵԿ Մաքսային հսկողության վարչություն: 22.11.2021թ. պատասխան գրությամբ հայտնվել է՝ որ մաքսային հսկողությունից թաքցված ծխախոտների մաքսային արժեքը 2021 թվականի հոկտեմբերի 28-ի դրությամբ կկազմի ընդհանուր՝ 280000 ՀՀ դրամ:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության

հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Ամիր Սահաբիխիավին 2021 թվականի դեկտեմբերի 16-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար, սակայն վերջինս չի ներկայացել:

Այսպիսով, նյութերով պարզվել է, որ 2021 թվականի հոկտեմբերի 28-ին Ամիր Սահաբիխիավին՝ մաքսային հսկողությունից թաքցնելով այն է՝ ապրանքների հայտնաբերումը դժվարացնող եղանակով, ավտոբուսի ուղևորների նստելու և իջնելու համար նախատեսված հետևի դռան աստիճանավանդակի տակ պատրաստված թաքստոցում տեղադրելով, ՀՀ է տեղափոխել ընդհանուր՝ 280000 ՀՀ դրամ մաքսային արժեքով 80 բլոկ Wisdon ապրանքանիշի ծխախոտ, այսինքն՝ Ամիր Սահաբիխիավին թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, 26.10.2021թ-ի մաքսային զննման ակտով, Մաքսային հսկողության վարչության 02.12.2021թ գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 221-րդ և 224-րդ հոդվածներով,

Ո Ր Ո Շ Ե Ց Ի՝


1. Ամիր Սահաբիխիավին (Հասցե՝ ԻԻՀ, ք.Ուրմիա, փ.Դանեշգահ, 14, անձանագիր՝ W42662666) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված ծխախոտների մաքսային արժեքի չափով ընդհանուր՝ 280000 ՀՀ դրամ: /վճարումը 900005024055 հաշվեհամարին, կող-19/

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում

3. ԵԱՏՄ մաքսային օրենսգրքի 98-րդ հոդվածի 4-րդ մասի համաձայն՝ որոշումն ուժի մեջ մտնելու օրվան հաջորդ օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել Ամիր Սահաբիխիավին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ